

Doktrinal nga Kahanas: Pagsukod sa Nakat-onan 2—Giya sa Pagtuon

MANWAL SA SEMINARY ALANG SA BAG-ONG TUGON

Sag-uloha ang pakisayran ug ang mahinungdanong hugpong sa mga pulong sa kasulatan

Sinatia ang mga tudling sa kasulatan sa doktrinal nga kahanas ug ang mahinungdanong hugpong sa mga pulong sa kasulatan. Mahimo nimong i-download ug gamiton ang Doktrinal nga Kahanas sa mobile nga app aron sa pagtabang kanimo sa pagribyo.

1 Mga Taga-Corinto 6:19–20	“Ang inyong lawas templo sa Espiritu Santo.”
1 Mga Taga-Corinto 11:11	“Hinoon diha sa Ginoo ang babaye dili gawas sa lalaki ni ang lalaki gawas sa babaye.”
1 Mga Taga-Corinto 15:20–22	“Kay ingon nga nangamatay ang tanang mga tawo tungod sa ilang pagkahiusa kang Adan, banhawon usab ang tanan tungod sa ilang pagkahiusa kang Kristo.”
1 Mga Taga-Corinto 15:40–42	Diha sa Pagkabanhaw, adunay tulo ka ang-ang sa himaya.
Mga Taga-Efeso 1:10	“Usa ka laraw nga pagatumanon inig-abot sa tukma nga panahon, laraw sa paghiusa diha kang Kristo sa tanang mga butang.”
Mga Taga-Efeso 2:19–20	Ang Simbahan “tinukod ibabaw sa patukoranan nga mao ang mga apostoles ug mga propeta, nga niini si Jesukristo mao ang ulohang bato sa pamag-ang.”
2 Mga Taga-Tesalonica 2:1–3	“Ang adlaw ni Kristo ... dili pa moabot, hangtod nga mahitabo una ang pagsupil.”
2 Timoteo 3:15–17	“Ang balaan nga kasulatan ... makagagahom sa pagtudlo kanimo ngadto sa kaluwasan.”
Mga Hebreohanon 12:9	Ang Langitnong Amahan mao “ang Amahan sa mga espiritu.”
Santiago 1:5–6	“Kon aduna man kaninyoy nakulangan og kaalam, papangayoa siya sa Dios.”
Santiago 2:17–18	“Ang [hugot nga pagtuo] patay kon kini walay binuhatan.”
1 Pedro 4:6	“Ang maayong balita [gi]wali hangtod ngadto sa mga patay.”
Pinadayag 20:12	“Ug ang mga patay gipanaghukman ... sumala sa ilang mga binuhatan.”

Gamita ang doktrina sa tinuod nga mga sitwasyon sa kinabuhi

- Gamita ang usa o daghan pang mga tudling sa kasulatan sa doktrinal nga kahanas aron matabangan ang usa ka tawo nga gusto og giya alang sa paghimo og importanteng mga desisyon sa iyang kinabuhi.
- Kon magtudlo ka sa usa ka tawo mahitungod sa kung unsa ang nahitabo sa plano sa Ginoo alang sa iyang mga anak paghuman sa kamatayon, unsa nga mga tudling sa doktrinal nga kahanas sa Bag-ong Tugon ang mahimo nimong gamiton? Unsaon nimo paggamit kini nga mga tudling sa pagpakita sa gugma sa Dios alang kanato?

Pag-andam sa pagpaambit kon hain sa mga tudling sa doktrinal nga kahanas ang labing nakaapekto kanimo. Unsa ang gitudlo niana nga tudling diha kaninyo mahitungod sa Langitnong Amahan ug ni Jesukristo?

Mga Baroganan sa pag-angkon og espirituhanon nga kahibalo

Ribyoha ang mga parapo 5–12 sa “Pag-angkon og Espirituhanong Kahibalo” nga seksiyon sa *Mahinungdanon nga Dokumento sa Doktrinal nga Kahanas* (2022).